

狄道州續志卷二

輿地志

歷代沿革表

見舊志

形勝

鄧艾嘗云狄道隴西南安祁山各當有守蓋其地山谷糾紛川原回繞其俗尙氣力修戰備好田獵勤稼穡自古用武之國

也讀史方輿紀要

疆域

從前區域劃分二十三里又接管岷州三里臨洮衛二十二寨

狄道州續志

卷二

歷代沿革表

形勝

疆域

一

蘭廳五伍蘭衛二屯岷衛一屯同治十一年又由河州將西鄉插花地界撥換並前共改為二百四十七段閱首卷疆域圖說暨四鄉鎮分圖便知茲將狄河撥換地面四至錄後

狄道州自同治二年亂後額賦底冊檔案一概焚燬至十一年知狄道州喻光容知河州潘效蘇稟請劃界南北即以松鳴崖山梁為界東西即以洮河為界其改正處如狄道西至黨川舖四十里交河州界即改為西至新路坡五十里交河州界河州南至三渡水一百六十里交狄道界即改為南至新路坡一百四十里交狄道州界東南至黨川舖一百五十里交狄道州界即改為東南至洮河沿一百七十里交狄道

州界西南至蓮花山二百四十里交洮州廳界卽改爲西南至松鳴崖一百一十里交狄道州界所有撥入村莊撥出村莊及撥入撥出銀糧各附類載登

### 山川

見舊志及卷首疆域圖說

### 關隘

見舊志同治十一年接管河州麻山大馬家灘小馬家灘三關均係前代舊址今俱廢

### 津梁

永甯橋 橋身廣狹及發起人姓名均見舊志現設橋夫十名

## 狄道州續志

### 卷二

山川

關隘

津梁

二

向例由本境木廠歲出銅錢貳百壹拾釧以爲橋夫工役之費其黃河橋應需木料及衙署規費在外遲至光緒三十三年改設木植統捐方將衙署規費及黃河橋木料稟請一併裁革准在統捐項下撥錢叁百釧以貳百壹拾釧作橋夫口食玖拾釧作永甯橋每年歲修之費

### 長濟橋 舊廢

### 宏濟橋 見舊志

### 稟修河堤工程詳文

喻炎丙

狄道州

爲河堤工竣據實造報事竊查卑州西門月城被河水齧去自光緒十三十四兩年經唐前署牧傳柄以木籠裝石堵水而西

暫時雖有可觀久遠未能無患十五年十月

卑職

接事後卽於

冬臘稟請培舊加新估費六千金當以需餉支絀無從籌此巨款議駁而

卑職

不時登山臨水相度形勢終以爲慮復於十六

年午節面陳可危情形加修宜急仍未邀准忽至五月晦日河流暴漲果將上截單層木籠處決開一口約二十餘丈其未決者亦多牽連驚動而全河水勢遂有三分之一復刷西城根下立卽申報蒙委陳丞端瀛踏勘稟覆始飭

卑職

切實估計造具

細數清冊而修復長堤之議乃定

卑職

自量雖家住河干略識

水性而堤工一事素未辦過檢查唐前署牧銷冊以一時權宜之計裝籠堵水且經營兩載費至五千餘金此次欲求一勞永

狄道州續志

卷二

附詳文

三

逸工程倍鉅需用愈繁估之太少固有賠累之虞估之太多反滋侵漁之惑不無疑懼顧念天下事旣迫於義理又牽於利害安能有成遂乃悉心擬議從減核計原詳估以肆千金內外亦祇想當然耳能敷與否實不得知故大概雖陳細數仍未敢造報原詳發後

卑職

細加勘查審之又審實覺此工所需最多在土喫緊在石與灰所難在取土必於隔岸取石並無好山燒灰

又無青石而河之爲害尤在龍神祠對岸之黑虎洞蓋洞前有石嘴斜插入河常時安流無礙遇盛漲則水入洞中激而橫流非將洞鑿破其半不可唐前署牧祇從其石嘴上截去數尺是以爲害如故因思施工次第所先在駕其浮橋土乃可取而補

缺口塞漏水須一時並舉所急在製辦器具工乃可動而取石塊燒石灰須多爲設法至黑虎洞關係要害須專工辦理絕其本根乃無後患主見既定又以必俟批到正恐措辦不及卽飭招集各匠購買各物並選派經理紳董人等以待及奉到批迴則已交冬令矣雖蒙允調河防幫修而經費祇准兩竿餘飭就地籌款祇聆之下悚惶無計兵燹餘黎元氣未復勸捐乎弊實叢生派糧乎迹近加賦輾轉圖維竊以財非人所盡豐力則民所自有商諸眾紳欲不捐錢而捐工僉稱曰可第用民之力患在不均倘部署失當用亦難得其力調查糧冊統計閩州得地八十萬畝有奇遂按八十畝地派夫一名得夫萬餘分爲二十

五班每班以十日爲限必頭班做完然後換二班班班皆做工十日是名爲萬餘夫實則十萬有餘工矣名爲八十畝派夫一名實則八畝地攤工一日矣其以車來者按單套抵工三名雙套抵夫五名每名每日不備工價議給點心錢二十文而已一手勾稽親定示藁示後開列第幾班係某幾段某段若干地應派若干夫夫數不必每班皆同地段必擇各班相近庶易於聯絡亦便於催派派夫時先十日稟差催鄉約鄉約催段長段長催戶長做工時戶長開單交段長段長交鄉約鄉約交局紳與監工示內俱逐一敘明入目了然俾知照辦蓋經半月而藁始定惟何日起班必定何日興工乃能填注天氣嚴寒猶豫不決

一日步河干查驗缺處水涸漏處冰凍恍然大悟召紳董而語之曰缺不塞漏不補堤無下手處及今不塞不補來春冰解水流深至數尺更何能補能塞莫若乘此凝結之時補好塞好明春即可專用力於正堤眾以爲然遂稟商河州沈鎮及本城管帶定期長至日興工遍張告示曉諭城鄉尙惴惴焉未知能如期應命否耶乃屆期而軍與民皆至適浮橋剛駕成各項器物亦略具於是勇則疏開河底以定堤基尙未及半月奉批停止民則負土填籠運土塞漏不肯停工直做至臘月念六日乃已除缺口補就漏水塞罷外還背土數萬籠堆積東岸前示所定日給錢二十文竟於已發兩班後稟請免發以助經費而此項

狄道州續志

卷二

附詳文

五

所省已不下貳千鉞豈得謂民不知義乎此上年情事也本年民工起於正月十七日以取土運土雖寒可做故勇工起於二月十七日以砌石築土非暖不能故並蒙 憲臺添派武毅營前來相助到時而土已屹若長城石已堆滿沙洲灰亦陸續接連聲勢大振非復去冬局面見者幾莫測所由來緣取土每夫每日剋定五十背籠橋頭坐監工背一籠給一小竹牌背十籠換一大竹牌滿數卽止不督自勤取石分四起九處一挖之城內外祇僱小工費車運得石多且易一僱石匠三班各覓附近處或鑿或挖得石次之一攤之四鄉運到給價得石又次之一洮河上流多石不能通車責諸水手從木牌上搭載而來亦與

給價得石較少合之則數萬燒灰分兩起四處一在龍神祠側  
開窖純用煤燒灰佳而價頗昂一在西鄉三處開窖純用柴燒  
價廉而灰稍遜合之則數十萬此外器具無一缺者物全既足  
以備用人眾尤易於見功兵勇犒賞每月朔望兩次每次頭目  
酒肉皆十劬勇丁各肉一劬酒半劬民夫自辭發錢後僅按班  
賞饌一次民與勇分任日集千餘人厯春及夏天氣晴暖羣情  
踴躍卑職時常一巡見夫對岸上下掘者掘運者運浮橋左右  
來者來往者往長堤內外扛者扛搗者搗鋤聲杵聲車聲裂上  
聲轉石聲眾擎聲行歌聲疾呼怒叱聲攙雜喧闐如鴉軍如蟻  
陣如蜂衙此情此景今猶宛然在耳目間也清和節後隄日就

狄道州續志

卷二

附詳文

六

理風聲傳播無論士農工賈遠近來觀者尤絡繹不絕計自起  
事以及 憲臺按臨之日止勇工凡四閱月民工凡六閱月後  
開通沙溝加高隄土又增民工一月尙剩萬餘工留以有待黑  
虎洞專僱南工起於去冬冰結時訖於今春凍解時石出水者  
已盡在水中者力不能施後再酌回憶經營之始卑職固志在  
必成而不料其成之之速至於如此豈惟卑職不自料同事中  
且有以石無從辦灰無從出決其一年不能有成者而竟不俟  
一年豈非幸歟其隄之石腳有六尺者有壹丈者有不計丈尺  
散漫填塞者視原估僅擬四尺則加寬矣其隄之土身連石合  
成伍丈通體一律視原估底擬四丈結面三丈又加寬矣高並

不止壹丈長則視原估反縮貳拾丈卽物料器具亦視原估多寡懸殊事有變局工難逆覩此卑職前詳所以但陳大概未敢

遽造細數也若夫隄成之後有斷續痕不能合縫有回曲勢不能引繩則卑職文弱力不足以相敵氣不足以相抗權並不足

以相統自有任其責者非未吏所得主也然而規模宏做體段堅凝 憲臺贊以萬古千秋未免過譽加之培護庶幾永其名

者畢世官其利者百年乎是役也督飭之功自應歸諸沈管帶福田黎幫帶定斌而維持調停深明大體端仗河州沈鎮卑職

實感激無量哨官總兵張裕魁王定國叅將黃志友游擊曾永國鍾桂亭朱新元都司李明士戴蘭桂均能綜理完密朝晨不

狄道州續志 卷二 附詳文

遑而其中妙用尤在添派武毅營一起卑職心知之口不能言

之吏目胡翰局紳訓導蕭柄揆附生王履清叅將趙順都司李湘臣支應賀之昇及監工千長王廷福各里段長等無不盡心

竭力勞怨弗辭而布置安詳籌謀敏捷則胡翰蕭柄揆二人贊助之益居多以上文武員弁紳董可否仰邀獎敘以示鼓勵之

處出自 憲臺恩施卑職身有地方之責修隄保城分所應為

况皆藉重羣力實不敢邀獎敘所有各項用度共費錢柒千肆百捌拾伍釧玖百柒拾伍文以一五合蘭平銀肆千玖百玖拾

兩陸錢伍分幸與原估尚不大背向使民夫不辭發錢石不大半取之城內外灰不得蕭紳獻策可用柴燒將以肆千餘金供

此數項尙不敷用焉能及他而讒者漫謂此項工程止費叁千餘金匪直前有唐署牧銷册可對近有階州隄工可較是否浮冒不難立辨而皇天后土實聞此言卑職原詳早引以自誓矣除領過庫平銀貳千兩以九六折合蘭平銀貳千零捌拾叁兩叁錢叁分叁釐外實下虧銀貳千玖百零柒兩叁錢壹分柒釐惟卑職曾經稟稱自願捐廉千劔而先後員弁酒席米炭油燭並餽送之資落成時紳民慶賀演戲酬神之費已過叁百金均未列報及此後加修長隄上下栽植沿隄樹株並刊立碑記懸挂匾額謀及善後歲修等事非再費叁肆百金不能則數且不止千劔可否卽抵前捐之數抑將前捐千劔仍應在實屬項下

狄道州續志

卷二

附詳文

除銷伏候 鈞裁

河堤歲修經費由河灘地畝收錢壹百壹拾陸劔伍拾捌文又扣橋夫錢伍拾劔文健秋喻公捐錢壹百叁拾叁劔玖百肆拾貳文共總合錢叁百劔文整均發當商生息詳請立案

水利 圖見舊志

唐古泉渠

三岔河渠

柳林溝渠

楊家庄渠

邊梁孫三姓新渠

好水溝渠

結河渠

西改河渠

改河溝渠

新店子新渠

牛頭溝渠

古城子渠

沙泥站渠

哈沙溝渠

中舖溝渠

田家嘴渠

清水渠

以上各渠均係舊有現在未開通者無幾

斷定柳林溝渠分作四渠州案

潘效蘇署狄道州

柳林溝渠自白石巖砌水入渠至溝口分作三渠師潘龍秦等姓及土民輪流灌溉同治兵燹後開渠引水因抽渠故師潘龍等起訟於光緒元年屢控未結五年州署牧潘親臨履勘斷令照地分水改為四渠砌立水口酌定寬窄每渠各有日期輪流灌溉自始至終不得錯亂亦不得壅塞渠口河底偷漏歷經數十年訟端息絕因錄州卷於左

州牧潘為曉諭事照得柳林溝口各渠前據師進忠秦德和龍進法等稟控前來業經本州數次履勘斷令照地分水即以地畝之多寡定渠口之寬窄先將各渠地畝逐一丈量次令新修

狄道州續志

卷二

水利附碑記

九

渠口砌立分水石嘴以昭平允而期久遠取結完案官道渠改為禮耕渠中渠改為義種渠抽渠改為學耨渠牙裏渠改為仁聚渠每渠應擇立水總一人以後修理渠工分期灌水以及渠內一切公事即歸水總經理茲本州查得秦鎮西堪充禮耕渠水總劉迎喜堪充義種渠水總潘林清堪充學耨渠水總何允潛堪充仁聚渠水總除分別諭委外合行曉諭為此示仰該處紳耆農民人等一體遵照嗣後遇有渠內公事概由該水總等商辦以歸劃一毋違切切此示

禮耕渠水口寬貳尺五寸

義種渠水口寬貳尺

學耨渠水口寬壹尺二寸

仁聚渠水口寬貳尺

五寸五分

重修原任狄道縣牧伯鄧公開渠灌田德政碑記

洮水之西又有一水名曰三岔舊有灌田古渠一道入水道自虎牢關至邊家灣入於河計程六十里灌田五千畝零俱載州志原創於乾隆四年臨洮府狄道縣我牧伯鄧公孝廉出仕當其未蒞此土也

仁皇帝遍傳

聖旨凡府州縣域皆使疏通水利以濟田疇原我西河元年初我牧伯陳公謹遵

聖諭遍歷山川親至三岔察水性之流止穿村避墳監修渠道乃歲經一載功猶未竟公遂捧檄而他適繼而我牧伯鄧公

狄道州續志

卷二

水利附碑記

十

新蒞吾狄查知其故因出示諭民沿舊治以地利之有餘補天時之不足嘉禾時登礎土亦沃迄今百餘年矣西河之民賴我鄧公宵旰之勞有以蒙樂利於無窮也今碑又頽朽不可明矣觀者不忍坐視幸有水總徐文選暨合村耆老並大小夫頭人等公同謫議欲以重建以壽記其大略庶我鄧公之惠澤或與三岔之水並流不朽云耳道光乙丑州庠生邊鎮冠良儒題書

計開經營渠工溝澗槽道額界水分舊規於後

一司家紅溝邊家灣修理高家橋子溝曹馮趙邊修理娘娘廟溝並馮家灘溝馮趙修理水二分渠工孫家立路起楊家

官渠止曹家灘溝曹邊修理曹姓水一分渠工娘娘廟起孫家立路止趙家水塘但有損傷眾人修理楊家溝水槽接水但有損傷眾人修理他子溝邊姓修理邊姓水一分渠工楊家官渠起他子溝止寇家木槽接水並寇宗法莊前土築水塘寇姓修理水一分渠工他子溝起王家溝止王家溝木槽二節接水南頭寇姓勘守北頭張姓勘守但有木料損傷張梁呂何修理張家廟溝灘張姓修理張姓水一分渠工王家溝起張家莊止梁姓水半分渠工張家莊起強家灘止徐呂家溝徐呂修理徐呂水三分渠工強家灘起徐家莊止徐家門土築水塘但有損傷徐何修理何姓水一分渠工徐家莊

狄道州續志

卷二

水利附碑記

十一

起鹽土溝止巴洋河面甚寬伍節槽接水但有損傷邊黃馬古四姓修理水四分渠工鹽土溝起邊家溝止每年灌苗之時下輪上止週而復始不許私行如有偷放水分不遵規例者罰錢壹釧貳百文如有不遵罰者夫頭同水總責二十柳棍再如不服許眾稟官究治共計莊壹拾伍村水期一十四晝夜半水夫二百九十名內大夫頭五名小夫頭二十九名以上渠道流域俱詳舊志惟西改河一渠於同治十一年割歸河州茲不復列渠道總圖亦不重載

山川水磨捌百陸拾玖盤內

東鄉壹拾捌盤

西鄉伍百伍拾伍盤

南鄉壹百玖拾捌盤

北鄉玖拾捌盤

沙泥州判所屬山水磨陸拾壹盤川水磨壹拾玖盤又有廳屬沙墻洮河西窟陀莊渡船係該處回民私設嗣因盜案疊出屢生事端遂被歷任牧伯分司稟請各大憲禁止立案並將船隻入官永不准在該處添設

風俗

見舊志

附方言

狄道州續志

卷二

水利

風俗

方言

三

狄俗呼父曰噠噠母曰媽媽又曰娘呼曾祖曰太爺曾祖母曰太太祖父曰爺爺祖母曰奶奶呼伯曰大爺伯母曰大娘呼叔曰爸爸叔母曰嬸嬸呼兄曰哥哥嫂曰嫂子言那個曰惡個咿言昨日曰昨噶兒言剛纔曰將頭噶兒言甚麼曰捨麼言做甚麼曰阿們俚言那裏去曰阿裏去裏讀俚去讀氣言那不是曰惡不是嗎言在那裏曰惡來的來讀奈去音言誰家曰誰適讀逝言你們我們曰你適我適言誰曰阿斯怪言是曰呵代言請你看曰哎你瞧言那幾個曰惡幾怪言你就那樣做曰你就惡們做言那教我該怎麼處曰惡早教我呵們做哩言不得了曰惡早可阿們做哩呼物必帶一兒字如錢兒梨兒蜂兒

蠶兒鹽兒羊兒益兒碗兒等類多以兒字代子字惡字代那字餘倣此

物產

見舊志分穀蔬麻藥貨木果花卉禽獸鱗介蟲牙十二類穀蔬麻藥木果花卉係植物禽獸鱗介蟲牙係動物貨分製造天然兩種製造如絨褐裘氈之類是也天然如煤炭羊毛之類是也今除種炭陶器白麻香蜜蠟酥油依舊外餘皆歇業惟黃菸一項頗稱暢旺歲出約五千餘擔詳見實業

古蹟

見舊志

狄道州續志

卷二

物產 古蹟 冢墓 十三

附冢墓

見舊志